



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Reginonis Abbatis Prumiensis Libri Duo De Ecclesiasticis Disciplinis & religione Christiana

Regino <Prumiensis>

Parisiis, 1671

299. De eadem re.

**urn:nbn:de:hbz:466:1-14622**

138 REGINONIS LIB. I.  
nisi Episcopi & Presbyteri, quibus claves regni cœlestis traditæ sunt, sic nec pœnitentium iudicia alij usurpare debent.

Ut Diaconus, si necesse sit, suscipiat confessionem.

Halitgar. in præfat. lib. 6.  
Burchard. lib. 19. c. 154.

CCXCVI. Si autem necessitas evenerit, & Presbyter non fuerit præsens, Diaconus suscipiat pœnitentem ad sanctam communionem.

Item de suscipienda confessione. *Ex Theodori Archiepiscopi vel Bedæ Presbyteri Pœnitentiali.*

Halitgar. ibid.  
Burchard. lib. 19. c. 2.

CCXCVII. Episcopi vel Presbyteri, quando fidelium recipiunt confessiones, humiliare se debent, & cum tristitiæ gemitu lacrymisque orare, non solùm pro suis delictis, sed etiam pro fratris casu. Ait enim Apostolus: *Quis infirmatur, & ego non infirmor?*

2. Cor. 11.

*Vnde suprâ.*

Halitgar. ibid.  
Burchard. lib. 19. c. 2.

CCXCVIII. Cùm ergo venerit aliquis ad sacerdotem confiteri peccata sua, mandet ei sacerdos ut expectet modicum, donec intret Ecclesiam aut cubiculum suum ad orationem. Si autem non est locus aptus ad hoc, dicat hanc orationem in corde suo.

Oratio.

Halitgar. ibid.  
Burchard. ibid. c. 3.

CCXCIX. Domine Deus omnipotens, propitius esto mihi peccatori, ut condignè tibi possim gratias agere, qui me indignum propter tuam misericordiam ministrum fecisti of-

ficij sacerdotalis, & me exiguum humilè-  
que mediatorem constituisti ad orandum &  
intercedendum ad Dominum nostrum Jesum  
Christum filium tuum pro peccantibus & ad  
pœnitentiam revertentibus. Ideoque, domi-  
nator Domine, qui omnes homines vis salvos  
fieri & ad agnitionem veritatis venire, qui  
non vis mortem peccatorum, sed ut conver-  
tantur & vivant, suscipe orationem meam,  
quam fundo ante conspectum clementiæ tuæ  
pro famulis & famulabus tuis qui ad pœniten-  
tiam venerunt, ut des illis spiritum compun-  
ctionis, ut resipiscant à diaboli laqueis, à quo  
adstricti tenentur, & ad te per condignam sa-  
tisfactionem revertantur per eundem Do-  
minum.

Videns autem ille qui ad pœnitentiam ve-  
nit sacerdotem tristem & lacrymantem pro  
suis facinoribus, magis ipse timore Dei per-  
cussus ampliùs tristetur & exhorrescat peccata  
sua.

*Hic locus sic habet in veteri codice MS. mo-  
nasterij Rivipullensis: Videns autem ille fra-  
ter, qui ad pœnitentiam venit, hanc sacer-  
dotis humilitatem, magis peccata sua ex-  
horrescit, magis scelera sua pertimescit.  
Post hæc caritativè sacerdos eum suscipiat,  
humiliter eum sedere faciat secum, blandè  
eum hujusmodi sermonibus attrahat. Fra-  
ter, non erubescas confiteri peccata tua &c.*

Ordo ad dandam pœnitentiam.

*Vnde suprâ.*

CCC. Post hæc interroga eum blandè le-

Burchard.  
ibid.